

**«Алматы жартылай марафоны» 2021
жүгіру жарысын өткізу туралы
ЕРЕЖЕ**

Алматы қ.
2021 ж.

1. ЖАРЫС МАҚСАТТАРЫ

Алматы жартылай марафоны (бұдан әрі – Жарыс)– жылсайынғы негізгі қашықтығы 21 км 97,5 м және оған қоса 10 км, 10 км скандинавиялық жүріс, экиден эстафетасы сияқты қашықтықтары бар жүгіру жарысы. Алматы қаласының әрбір тұрғыны немесе қонағы қатыса алатын қалалық жүгіру және спорт әуесқойларының мерекесі.

Өткізу мақсаты:

- жүгіру және скандинавиялық жүрісті насихаттау;
- жүгірушілерді халықаралық марафон жарыстарына дайындау;
- дені сау ұлтты қалыптастыру;
- бұқаралық спортты дамыту;
- Алматы қаласы тұрғындары арасында салауатты өмір салтын насихаттау;
- зиянды әдеттерден бойды аулақ ұстау (шылым шегу);

2. ЖАРЫСТЫ ҰЙЫМДАСТЫРУШЫ-ЖЕТЕКШІЛЕРІ

2.1. Жалпы жетекшілікті «Бірінші болу – батылдық» корпоративтік қоры жүзеге асырады.

2.2. Жарысты дайындау және өткізуді ұйымдастыру Ұйымдастыру комитеті – «Бірінші болу – батылдық» корпоративтік қорына жүктеледі (бұдан әрі – Ұйымкомитеті).

3. ЖАРЫСТЫ ӨТКІЗУ ОРНЫ ЖӘНЕ УАҚЫТЫ

3.1. Жарыс күні және уақыты: 20 маусым 2021 ж., сағат 06:00 бастап 13:00 дейін.

3.2. Сөре орны: Алматы қаласы.

Барлық қашықтықтардың сөресі: Тұңғыш Президент Саябағы, Алматы қаласы, Дулати даңғылы, 1/2.

Барлық қашықтықтардың мәресі: Орталық стадион.

4. ҚАШЫҚТЫҚТАР ЖӘНЕ ЖАС САНАТТАРЫ

4.1. Жарыс бағдарламасына төмендегі қашықтықтар кіреді:

- Жартылай марафон 21 км 97,5 м;
- 10 км қашықтық;
- Скандинавиялық жүріс 10 км;
- Экиден 21.1 (командалық эстафета) 21 км 97,5 м.

4.2. Жас санаттары:

4.2.1. 21 км 97,5 м Жартылай марафонының жас санаттары:

- 18-34 жас;
- 35-49 жас;
- 50-59 жас;
- 60 жастан жоғары.

4.2.2. 10 км қашықтыққа жас санаттары:

- 15-34 жас;
- 35-49 жас;
- 50-59 жас;
- 60 жастан жоғары.

5. ЖАРЫС ҚАТЫСУШЫЛАРЫ

5.1. Жарықа қатысуға төмендегі жас санаттарындағы тұлғаларға рұқсат етіледі:

- 21 км 97,5 м жартылай марафон – 18 жастан бастап және одан үлкен қатысушылар;
- 10 км қашықтық – 15 жастан бастап және одан үлкен қатысушылар;
- 10 км Скандинавиялық жүріс – 15 жастан бастап және одан үлкен қатысушылар;
- 21 км 97,5 м **Экиден** (командалық эстафетасы) – 16 жастан бастап және одан үлкен 4 адамнан тұратын команда.

5.2. Бір мезетте Жарыста бірнеше қашықтыққа жүгіру және бірнеше Экиден командасында қатысуға тыйым салынады.

5.3. Тіркеу кезінде Жарыс өту кезіндегі толық жас саны есепке салынады.

6. ЭЛИТАЛЫҚ БІЛІКТІЛІК.

6.1. **Elite** – алдын-ала расталған біліктілік уақыты бар әуесқой спортшыларға арналған жеке сөрелік кластер.

6.2. 21 км 97,5 м қашықтықта элиталық санаттағы спортшыларды тіркеу almaty-marathon.kz сайттында электрондық тіркеуден өткеннен кейін жүргізіледі.

6.3. Элиталық санатқа біліктілік алу үшін спортшы немесе оның ресми өкілі 2021 жылдың «01» маусымына дейін alina.s@almaty-marathon.kz электронды мекен-жайға өтініш жіберуі керек және біліктілік уақытына сәйкес келетін нәтижелерді жіберу керек. Осындай қашықтыққа өтінім беру сәтіне дейін соңғы 3 (үш) жыл ішінде өткен жарыстардың нәтижелері ескеріледі.

6.4. Жаттығуды мобильді қосымшаға жазу растау емес.

6.5. Жарыстағы 21 км 97,5 м қашықтықта элиталық санатқа қосылуға үміткерлер үшін біліктілік уақыты:

- ерлер: жартылай марафонда 1:20:00 дейін;
- әйелдер: жартылай марафонда 1:40:00 дейін.

7. ЖАРЫСТЫ ҰЙЫМДАСТЫРУ ЖӘНЕ ӨТКІЗУ ШЫҒЫНДАРЫ

7.1. Жарысты ұйымдастыру және өткізу шығындарына жауапкершілікті Ұйымкомитеті көтереді.

7.2. Жол, орналасу және тамақтану шығындарын жіберуші ұйымдар немесе қатысушылардың өздері көтереді.

8. ЭКИДЕН 21.1

8.1. Жарыстың Экиден командалық эстафетасына 16 жастан асқан спортшылар қатыса алады. Команда 4 адамнан тұрады, олардың әрқайсысы өз жолын еңсереді.

8.2. Жалпы, әр команда 21 км 97,5 м қашықтықты 5 км, 5 км, 5 км, 6 км 97,5 м бөліктері бойынша жүгіруі тиіс.

8.3. Екі немесе одан да көп командаларға қатысуға, сондай-ақ Жарыс трассасының бірнеше учаскесін еңсеруге тыйым салынады.

8.4. Жарыстың Экиден эстафетасында команда үшін қатысу құны – **100 000 (Жүз мың) теңге**.

8.5. Экиден командаларын тіркеу www.almaty-marathon.kz сайттында **2021 жылғы «26» сәуірден** бастап және **2021 жылғы «10» маусымда** аяқталады. Толық ақпарат алу үшін cc@almaty-marathon.kz пошта арқылы хабарласуыңызды сұраймыз.

8.6. Эстафетаны табыс ету пункттері:

- 1 қатысушы (старт) – Тұңғыш Президент саябағы;
- 2 қатысушы – Әл-Фараби даңғылы, Шашкин к. қиылысы;
- 3 қатысушы – Әл-Фараби даңғылы, Розыбакиев к. қиылысы;
- 4 қатысушы – Абай даңғылы, Сайын к. қиылысы (Сайын және Алтынсарин көшелерінің ортасы).

9. ТІРКЕУ ЖӘНЕ ЖАРЫСҚА ҚАТЫСУҒА РҰҚСАТ ЕТУ ШАРТТАРЫ

9.1. Қатысушыларды тіркеу www.almaty-marathon.kz сайтында **2021 жылғы «26» сәуірден** бастап және **2021 жылғы «10» маусым** немесе тіркелген қатысушылар саны 5 000 (бес мың) жеткенде аяқталады.

9.2. Корпоративтік қатысушыларды тіркеу сұраныс бойынша info@almaty-marathon.kz пошта арқылы жүзеге асырылады. Бір компаниядан қатысушылар саны 30 (отыз) адамнан артық болуы тиіс. Қатысушылар саны 30 (отыз) адамнан кем командалар www.almaty-marathon.kz сайтында өз бетінше тіркеледі.

9.3. Онлайн-тіркеуден өтіп, осы нақты жүгіру жарысына тіркелу фактісі бойынша берілген ID-нөміріне сай сөрелік жарнаны төлеген қатысушы тіркелген болып саналады. Қатысушылар тізіміне тек ақысы төленген өтінімдер ғана енгізіледі.

9.4. Тіркелу және сөрелік жарнаны төлеу арқылы қатысушы барлық Жарыс Ережелерімен келіседі.

9.5. Жарыстың сөрелік жинақтары **2021 жылдың «18» және «19» маусым күндері, сағат 10:00 ден 20:00-ге дейін** беріледі.

Сөрелік жарналарды беру орны: **ОСО «FORUM», Алматы қаласы, Сейфуллин даңғылы, 617.**

Назар аударыңыз! Жарыстың сөрелік жинақтары басқа күндері берілмейді.

Жарыс қатысушылары мен басқа да адамдар сөрелік жинақтарды беру орнына өткізілуі үшін, ASHYQ қосымшасында тіркеліп, Жарыстың Ұйымкомитеті орналастырған QR-коды арқылы тексерістен өту қажет.

9.6. Қатысушының сөрелік нөмірінің құрамына: сөрелік нөмір, нәтижені тіркейтін чип, қатысушы жаднамасы, сөмке, түйреуіштер, бірреттік бетперде.

9.7. Корпоративтік қатысушылар өз сөре нөмірін 2021 жылғы «18» және «19» маусым күндері сөрелік жинақтарды беру, аталған Ереженің 8.5 тармағына сәйкес ала алады. Сөрелік жинақтарды алу үшін өзімен бірге алып кететін адамның жеке куәлігінің көшірмесі, сондай-ақ әрбір қатысушының жеке куәлігінің көшірмесі болуы қажет.

9.8. *(Тармаққа 10.06.2021 жылы өзгертулер енгізілді)* **Қатысушылар жарысқа қатысушы пакетін беру кезінде көрсетілетін құжаттар болған кезде ғана жіберіледі:**

Жарысқа қатысушыға сөрелік жинағын беру кезінде ұсынылуы қажет жеке басын растайтын құжаттар **(басып шығарылған түрде):**

18 жастан кіші қатысушылар үшін:

- Жеке бас куәлігінің көшірмесі (туу туралы куәліктің көшірмесі);
- Жарысқа қатысуға рұқсат беру туралы ата-ананың екеуінің қолхаты;
- Қолхатқа өз қолдарын қойған ата-ананың екеуінің де жеке бас куәліктерінің көшірмесі.

18 жастан бастап және одан үлкен қатысушылары үшін:

- Жеке бас куәлігі;

- Денсаулық туралы қолхат.
Барлық құжаттар басып шығарылған түрде тапсырылуы қажет.
Қатысушы сөрелік жинақты алуға келер алдында ASHYQ қосымшасын орнатып, қолдануға міндетті. Қатысуға ASHYQ қосымшасында көк және жасыл «мәртебесі» бар спортшылар жіберіледі.

Жарыстың Ұйымкомитетіне 2021 жылдың 10 маусымында уәкілетті органнан келіп түскен ресми рұқсаты бойынша, Жарыс қатысушылары сөреге жіберілуі үшін, ПТР тестін тапсыруға міндетті емес.

9.9. (Тармаққа 10.06.2021ж. өзгертулер енгізілді). Жарыс қатысушысының ASHYQ қосымшасындағы «мәртебесі» қызыл және сары болып анықталған жағдайда:

- Қатысушы сөрелік жинақтарды беру орнына және жарысқа жіберілмейді.
- Алматы, әл-Фараби даңғылы, 5 ғимарат, 51 кеңсе, 1а блогы мекен-жайы бойынша Ұйымдастыру комитетінің кеңсесінде таңдалған қашықтыққа жүгіруден трекерін ұсына отырып сөрелік жинақ пен медалын карантин аяқталғаннан кейін 14 күн өткен соң ала алады;

9.10. (Тармаққа 10.06.2021ж. өзгертулер енгізілді) Қатысушы өзінің сөрелік нөмірін алып кете алмайтын жағдайларда өзге адам қатысушының жеке бас куәлігінің көшірмесін (басып шығарылған түрде), сөрелік нөмірді алатын адамның жеке куәлігінің көшірмесін (басып шығарылған түрде), қатысушының атынан жазылған денсаулық туралы қолхатты көрсету арқылы сөрелік нөмір берілетін күні алып кете алады.

9.11. Жарыс қашықтығының сөрелік жарнасы:

- 21 км 97,5 м жартылай марафон – 7 000 (жеті мың) теңге;
- 10 км қашықтық – 7 000 (жеті мың) теңге;
- Скандинавиялық жүріс – 7 000 (жеті мың) теңге;
- Экиден 21.1 - 100 000 (жүз мың) теңге.

9.12. Қашықтықты тек 2021 жылдың «01» маусымына дейін (қоса алғанда) ауыстыруға болады. Қатысуға слот сатып алынған болса, Ұйымкомитетіне хабарласып, қашықтықты ауыстырғаны үшін 1 000 (мың) теңге төлеу қажет. Қашықтықты кішіден үлкенге ауыстырған жағдайда слоттардың өзіндік құнындағы айырмашылық да төленеді. Қашықтықты үлкеннен кішіге ауыстырған жағдайда слоттардың құнындағы айырмашылық қайтарылмайды. Қашықтықты ауыстыру таңдалған қашықтықта бос слоттар болған кезде ғана жүзеге асырылады. Атаулы нөмірді бір қашықтықтан екіншісіне ауыстырған кезде атаулы нөмір сақталмайды.

9.13. Жеңсіз жейделер тек сөрелік жинақтар беру күні таратылады. Қатысушы жеңсіз жейдені алып кетпеген жағдайда ол оны басқа күндері ала алмайды.

9.14. Жарысқа қатысуға төленген қаражат қайтарылмайды. Қате немесе өзгенің ID-нөміріне жіберілген қаражат қайтарылмайды және басқа қатысушыға аударылмайды.

9.15. Сөре нөмірі жоқ қатысушылар жарысқа жіберілмейді.

9.16. Сөре нөмірі анық көрінуі керек, сөре нөмірі алдыңғы кеудеге немесе белдік белбеуіне орналастырылуы керек;

9.17. Өзге біреудің нөмірімен қатысуға тыйым салынған. Сөре нөмірін өзге қатысушыға беру фактісі анықталған жағдайда нөмірді берген және өзгенің нөмірін алған қатысушы нәтижесі жоққа шығарылып, осы жарыстан аластатылады. Келесі 3 жарысқа да жіберілмейді.

9.18. Құлаққаппен қатысуға кеңес берілмейді.

9.19. Сөрелік қалаға кіру тек медициналық немесе қайта пайдалануға болатын маскада рұқсат етіледі. Қатысушылар сөреге шыққанға дейін кемінде 1,5-2 метр қашықтықты сақтауға, сондай-ақ ұйымдастырушылардың нұсқауларын сақтауға міндеттенеді.

Өзіңізді нашар сезінсеңіз, үйде болыңыз. Ұйымдастырушылар мен еріктілердің қатысушыда температура немесе вирустық ауру белгілері болған жағдайда Спорттық жәрмеңкеге немесе сөрелік қалашыққа кіруіне тыйым салу құқығы бар.

Сөре басталғанға дейін бірнеше күн бұрын қатысушыларға ПТР-тест тапсыру ұсынылады.

9.20. Қатысушы спорттық іс-шарада Covid-19 вирустық ауруының таралуына қарсы күрес жөніндегі Регламентте жазылған барлық ережелерді оқып, сақтауға міндетті.

9.21. «Алматы жартылай марафоны» іс-шарасын өткізуге Мемлекеттік мекемелер тарапынан ресми тыйым салынған жағдайда, іс-шараның өткізілу күні кешрек мерзімге ауыстырылады. Қатысушылардың осы жылғы енгізген сөрелік жарналары автоматты түрде кеш мерзімге ауыстырылады. Жарыстың нақты (жаңа) күнін Ұйымдастыру комитеті қатысушыларға ақпаратты кейінірек осы Ереженің 17-бабында көрсетілген Ұйымдастырушының ақпарат көздеріне орналастыру арқылы, сондай-ақ Қатысушының жеке поштасына хабарламалар жіберу арқылы хабарлайды.

9.22. Егер мемлекеттік қаулыларға байланысты басқа елден қатысушы мемлекеттік шекараны сөре қарсаңында кесіп өте алмаса және «Алматы жартылай марафонына» қатыса алмаса, ол сөрелік жарнаны «Алматы жартылай марафонына» 2022 ауыстыруға info@almaty-marathon.kz электрондық поштасына жазу арқылы өтінім бере алады.

Егер жарыс бұрын кейінге қалдырылған болса, басқа елдерден қатысушылардың сөрелік слоттары да ауыстырылады.

10. НӘТИЖЕЛЕРДІ САНАУ ЖӘНЕ ЖЕҢШАЗДАРДЫ АНЫҚТАУ

10.1. Жүгіруге қатысушылардың нәтижесін электрондық хронометраж жүйесі белгілеп алады және оны сот алқасы растайды. Жүгіру жарысының жеңімпаздары мен жүлдегерлері қатысушының мәре уақыты бойынша анықталады.

10.2. Жүгіру жарысы жеңімпаздары мен жүлдегерлерін анықтау IAAF 165.24 («IAAF жалпы ережелері») ережелеріне сай келу фактісі бойынша жүзеге асырылады;

10.3. Ресми қорытындылар www.almaty-marathon.kz сайтында іс-шара аяқталған соң 24 (жиырма төрт) сағат ішінде жарияланады.

10.4. Жарысқа қатысушының нәтижелері сөре нөмірі дұрыс тағылған жағдайда ғана тіркеледі;

10.5. Жарыстардың Ұйымкомитеті төмендегі жағдайларда әрбір қатысушының жеке нәтижеге ие болатынына төмендегі жағдайларда 100% кепілдік бере алмайды:

- Чиптің дұрыс тағылмауы;
- Чиптің магнитсіздендірілуі;
- Сот алқасының шешімі бойынша жарыстан шығару.

10.6. Нәтижелерді шығару кезінде қолданылатын терминология:

- DNS – Did not start (қатысушы сөреге шыққан жоқ)
- DNF – Did not finish (қатысушы мәреге жеткен жоқ)

- DSQ – Disqualified (қатысушы жарыстан шығарылды)
- CR – Championship Record (жарыстар рекорды)
- CHIP TIME – Чип уақыт – қатысушының сөре маттарынан бастап мәрте маттарына өткенге дейінгі уақыты. Барлық қатысушылардың нәтижелері чип уақыт бойынша тіркеледі.

МАҢЫЗДЫ! Жарыстың жеңімпаздары мен жүлдегерлері қатысушының жеке уақыты «CHIP TIME» бойынша анықталады.

11. ЖЕҢІПАЗДАРДЫ АНЫҚТАУ ЖӘНЕ МАРАПАТТАУ

11.1. 21 км 97,5 м жартылай марафон қашықтығы - ерлер мен әйелдер арасындағы қатысушыларды абсолюттік біріншілікте 1-3 орындар үшін марапаттау.

Жеңімпаздар мен жүлдегерлер ақшалай сертификат, мақтау қағазы, медаль мен бағалы сыйлық алады. Осы қашықтықтағы абсолюттік кестедегі жеңімпаздар жас санаттарында марапатталмайды.

11.2. 21 км 97,5 м жартылай марафон қашықтығы - ерлер мен әйелдер арасындағы қатысушыларды әр жас санатында 1-3 орындар үшін марапаттау. Жеңімпаздар мен жүлдегерлер мақтау қағазы, медаль мен бағалы сыйлық алады.

11.3. 10 км қашықтық - ерлер мен әйелдер арасындағы қатысушыларды әр жас санатында 1-3 орындар үшін марапаттау. Жеңімпаздар мен жүлдегерлер мақтау қағазы, медаль мен бағалы сыйлық алады.

11.4. Экиден 21.1. Командаларды абсолюттік біріншілікте 1-3 орындар үшін марапаттау. Жеңімпаздар мен жүлдегерлер мақтау қағазы, кубок пен бағалы сыйлық алады.

11.5. «10 км скандинавиялық жүріс» қашықтығының қатысушылары марапатталмайды.

11.6. Жарыстың барлық қашықтығының мәреге жеткен қатысушылары мәреші медалімен марапатталады.

11.7. Ақшалай сыйлықтарды жеңген қатысушылар сыйлықты жеке банктік шотына ақша аударымы арқылы ала алады. Ол үшін сіз жарыс аяқталғаннан кейін 3 жұмыс күні ішінде info@almaty-marathon.kz поштасына хат жіберуіңіз керек:

- **Қазақстан Республикасының резиденттері үшін:**

- Банктік шот туралы анықтама, сондай-ақ жеңімпаздың жеке куәлік көшірмесі;

- **Қазақстан Республикасының резиденті емес қатысушыларға:**

- Жеңімпаздың жеке куәлігінің көшірмесі, банктің атауы, банк бөлімшесінің мекен-жайы және сіз ақша алатын қаланың атауы.

11.8. Егер қатысушы жүлделі орын үшін алған сыйлығын жарыс кезінде алып кете алмайтын болса, шара өткен соң 10 (он) күн ішінде «Бірінші болу - батылдық» корпоративтік қорының кеңсесінен Алматы қаласы, Әл-Фараби алаңы 5к1 а, 501 кеңсе мекенжайы бойынша 10 (он) жұмыс күні ішінде алып кете алады.

Қатысушы сыйлықтарды өз бетінше алып кете алмайтын және бұл істі сенімді тұлғаға тапсыратын жағдайда жеңімпаз info@almaty-marathon.kz почтасына ұйымдастырушылар алушының есебінен жібере алатын мекенжайды жібере алады.

Бұл таңдау тек ҚР резиденттері үшін қол жетімді.

12. ЖАРЫСТАН ШЫҒАРЫЛУЫ

12.1. Ұйымдастырушылар қатысушыны келесі жағдайларда жарыстан шығаруға құқылы:

- қатысушы сөре ресми басталмай жатып жүгүруді бастады;
- қатысушы жүгүруді сөре аймағы жабылғаннан кейін бастады;
- қатысушы сөреге сөре нөмірсіз шықты;
- қатысушы ұйымдастырушылардың, төрешілердің немесе бас дәрігердің нұсқаулары мен ескертпелеріне назар аудармайды;
- қатысушы жарыс ережелерін бұзған жағдайда;
- қатысушы екі қашықтықта немесе екі және одан да көп команда құрамында жүгірді, бұл қатысушыны да, команданы да дисквалификациялауға алып келеді.

12.2. Қатысушылар қорытынды хаттамадан шығарылуы жағдайлары:

- қатысушы басқа адамға тіркелген нөмірімен жүгірді;
- қатысушы қашықтықты қысқартты;
- қатысушы тіркелмеген қашықтықты жүгірді;
- қатысушы қол асты көлік құралдарын қолданды (велосипед, мотороллер және т.б.);
- қатысушы жарысты сөре аймағынан емес жерден бастады;
- қатысушы өз кластерінен бастаған жоқ;
- қатысушы белгілі бір жарыстың ресми нөмірінсіз жүгіріске қатысты немесе нөмір киім астында жасырылды.

13. ЖАРЫС БАҒДАРЛАМАСЫ

13.1. Жарыс таймингі

	ТҰҢҒЫШ ПРЕЗИДЕНТ САЯБАҒЫ
05:30	Сөре қалашығының ашылуы, сақтау камерасы жұмысының басталуы
06:30	Бөлек сахнада дене шынықтыру
06:45	Сөре аймағында 10 км және 10 км скандинавиялық жүріс қашықтығы қатысушыларын тұрғызу
07:00	10 км және 10 км скандинавиялық жүріс қашықтығының сөресі
07:30	Бөлек сахнада дене шынықтыру
07:45	Сөре аймағында 21.1 км, элита және экиден қашықтығы қатысушыларын тұрғызу
08:00	21.1 км, элита және экиден қашықтығының сөресі
	ОРТАЛЫҚ СТАДИОН
07:30	Ойын-сауық бағдарламасы. Мәре қалашығы.
09:30	(10 км) жас санаттары жүлдегерлерін марапаттау
10:30	(21.1 км) абсолюттік санаттағы жүлдегерлерді марапаттау
10:40	(21.1 км) жас санаттары жүлдегерлерін марапаттау
11:00	Экиден командаларын марапаттау
11:10	(21.1 км) жас санаттары жүлдегерлерін марапаттау
11:30	Мәре аймағының жабылуы

13.2. Қатысушылар сөре кластерлеріне өздерінің жоспарланған мәре уақыты бойынша тұрғызылады.

13.3. Қатысушылар жүгіруді тек өздерінің сөре кластерлерінен бастауға міндетті.

13.4. Жарыс роллинг-сөресі арқылы жүргізіледі. Қатысушылар арнайы белгілерге сәйкес қатарға 10 адамнан тұрғызылады. Әр 10 адам 5 секунд айырмашылықпен сөрені бастайды.

13.5. Қашықтықтарды енсеруге берілген уақыт шектеулері:

- 21 км 97,5 м – 3 сағат 00 минут

- Эстафета экиден - 3 сағат 00 минут
- 10 км – 2 сағат 00 минут
- 10 км Скандинавиялық жүріс – 2 сағат 00 минут

14. ЖАРЫСТЫҢ СОТ АЛҚАСЫ

14.1. Жарыстың сот алқасы. Төрешілер жарыс ережелерінің сақталуын, спорттық доданың әділ және дұрыс жүргізілуін, ал жеңімпаздың объективті түрде анықталуын мұқият бақылайды. Осы жарыста қызмет көрсететін спорт төрешілерінің барлығы сот алқасын құрайды.

14.2. Сот алқасына төмендегілер кіреді:

• Жарыстардың бас төрешісі

Бас төреші төрешілер арасында міндеттерді бөледі. Жарыстар аяқталған соң бас төреші іс-шара туралы есеп құрады және онымен қоса жарыстар нәтижелерін Ұйымкомитетіне ұсынады.

• Жарыстардың бас хатшысы

Жарыстардың бас хатшысы хаттамаларды өңдейді және нәтижелерді шығарады, төрешілерге, қатысушыларға және көрермендерге сөрелердің барысы туралы уақтылы ақпарат беру үшін қажетті материалдарды құрастырып, соңында нәтижелер бойынша жалпы есебін шығарады.

• Сөре-мәре аймағының төрешілері

Сөре-мәре аймағының төрешілері сөре кезінде ережелердің сақталуы және ешкімнің артықшылықтарға ие болмауы үшін спортшылардың қашықтыққа кластерлерге сәйкес баруын қадағалайды. Төрешілер мәре түзуінде алғашқы 10 мәрешіні мәре хаттамаларына белгілейді. Хаттамалар нәтижелерді хронометраж жүйесімен салыстыру үшін бас төрешіге беріледі.

Сот алқасына кәсіби спортшылар мен мамандарды шақыруға рұқсат етіледі.

14.3. Жарыстың бас дәрігері

Жарыстың бас дәрігері медициналық қызметкерлер мен еріктілердің қашықтық жолын және сөре-мәре қалашығының жұмысын бақылайды. Қажет болған жағдайда, бас дәрігер қатысушыны конкурстан алып тастай алады.

15. НАРАЗЫЛЫҚТАР МЕН ШАҒЫМДАР

15.1. Наразылықтар Ұйымдастыру комитетіне беріледі және оларды сот алқасы қарайды

15.2. Қатысушы іс-шара аяқталғаннан кейінгі 2 (екі) күнтізбелік күннің ішінде шағым беруге құқылы.

Шағымдар info@almaty-marathon.kz электрондық мекен-жайына жіберіледі

Шағым беру кезінде төмендегі мәліметтерді көрсету қажет:

- тегі және аты (аты көрсетілмеген шағымдар қаралмайды);
- шағымның мәні, шағымның мазмұны;
- шағым жасауға түрткі болған негіздер (фотосурет, жеке секунд өлшеуіш, субъективті пікір және т.б.).

15.3. Ұйымкомитеті шағымның немесе наразылықтың берілген сәтінен бастап 24 (жиырма төрт) сағаттың ішінде шағым берілген электрондық мекенжайға жіберілетін ресми жауап дайындайды.

15.4. Шағымдар тек қатысушылардан қабылданады.

16. БАҚ-ТЫ АККРЕДИТАЦИЯЛАУ

16.1. БАҚ-ты аккредитациялау алдына ала жүргізіледі. Аккредиттелу үшін мәліметтерді (БАҚ аты, корреспонденттің, оператордың, фотографияның аты-жөні, байланыс телефоны мен e-mail) prmanager@almaty-marathon.kz поштасына 2021 жылдың 19 маусымына дейін жіберу қажет.

17. АҚПАРАТ КӨЗДЕРІ

Іс-шара туралы толық ақпарат www.almaty-marathon.kz сайтында, сондай-ақ мына әлеуметтік желілердің аккаунттарында көрсетілген:

vk.com/almatymarathon

facebook.com/almatymarathon

instagram.com/almatymarathon

https://t.me/almaty_marathon

Басқа ақпараттық ресурстардағы ақпарат үшін Ұйымкомитеті жауапкершілік көтермейді.

18. ҚОРЫТЫНДЫ ЕРЕЖЕЛЕР

18.1. Осы Жарыс ережесі Жарысқа қатысу үшін ресми шақыру болып табылады.

18.2. Ұйымдастырушы осы Жарыс ережесіне өзгерістер енгізу құқығын өзіне қалдырады.